

# 卷六

書名 重選唐音大成十四卷附錄一卷 嘉靖五年  
刊本  
撰者 明 邵天和 輯  
卷 卷六  
內容分類 集-總集-各代-唐  
索書號 集部-總集-51  
編號 D7841400

彩色首頁1

東洋文化研究所漢籍目錄 編號: D7841400

東洋文化研究所漢籍目錄所藏漢籍善本文影像資料庫 索書號: 集部-總集-51

漢籍善本文影像資料庫文本重選唐音大成十四卷附錄一卷 嘉靖五年刊本

版權所有: 東京大學 東洋文化研究所

使用上的注意事項

重選唐音大成卷之一

宜興邵天和節夫編校

始音

從軍行

楊炯

火照西京心中自不平  
牙璋辭鳳闕鐵騎繞龍城  
暗凋旗畫風多雜  
鼓聲寧為百夫長  
勝作一書生

劉生

本六郡年長入三秦  
白壁酌知已黃金謝主人  
生赤電馬足起紅塵  
日莫歌鍾發喧動四隣

紫騮馬

所究研京東院學化文方東  
No. 2046 乙



0 1 2 3 4 5 6 7 8 9 20 1 2 3 4 5 6 7 8 9 3





重選唐音大成卷之六

正音五

五言絕句

途中寒食

宋少問

馬上逢寒食途中屬暮春可憐江浦望不見洛橋人

別杜審言

卧病人事絕嗟君萬里行河橋不相送江樹遠含情

早發韶州

綠樹秦京道青雲洛水橋故園常在目魂去不須初



昭君怨

東方虬

漢道方全盛朝廷足武臣何須薄命妾辛苦事和親

其二

揜淚辭丹鳳含悲向白龍單于浪驚喜無復舊時容

其三

胡地無花草春來不似春自然衣帶緩非是為腰身

伊州歌二首

孟嘉運

打起黃鶯兒莫教枝上啼啼時驚妾夢不得到遼西

其二

聞道黃花成頻年不解兵可憐閨裏月偏照漢家營



山中送別

王摩詰

山中相送罷日暮掩柴扉春草年年綠王孫歸不歸

崔九弟欲往南山馬上口號與別

城隅一分手幾日還相見山中有桂花莫待花如霰

鳥鳴澗

人閑桂花落夜靜春山空月出驚山鳥時鳴春澗中

上平田

朝畊上平田莫畊上平田借問問津者誰一作知沮

溺賢

孟城坳

新家孟城口古木餘衰柳來者復為誰空悲昔人有

鹿柴

空山不見人但聞人語響返照一作入深林復照莓

一作青苔上

雜詩二首

家住孟津河門對子津口常有江南船寄書家中否

其一

君自故鄉來應知故鄉事來日綺窓前寒梅著花未

別輞川別業

王夏卿

山月曉仍在林風涼不絕殷勤如有情惆悵令人別

孟城坳

裴迪

結廬古城下時登古城上古城非疇昔今人自來往

宮槐陌

門前宮槐陌是向欽湖道秋來風雨多葉落無人掃

崔九弟欲往南山馬上口號與別

歸山深淺去須盡立壑美莫學武陵人暫遊桃源裏

春江曲

郭元振

江水春沉沉上有雙竹林竹葉壞水色郎亦壞人心

長安道

諸光羲

西行一千里暝色生寒樹暗聞歌吹聲知是長安路

春曉

孟浩然

春眠不覺曉處處聞啼鳥夜來風雨聲花落知多少

送友之京

君登青雲去予望青山歸雲山從此別淚濕薜蘿衣

宿建德江

移舟泊烟渚日暮客愁新野曠天低樹江清月近人

長干行

崔顥

家臨九江水來去九江側同是長干人生小不相識

江南行

君家何處住妾住在橫塘停船暫借問或恐是同鄉

怨詞

崔國輔

妾有羅衣裳秦王在時作為舞春風多秋來不堪着

古意

淨掃黃金階飛霜厚一作皎如雪下簾彈箜篌不忍見

秋月

流水曲

歸來日尚早更欲向芳洲渡口水流急回船不自由

少年行

遺却珊瑚鞭白馬驕不行章臺折楊柳春日路傍情

湖南曲

湖南送君去湖北送君歸湖裏鴛鴦鳥雙雙他自飛  
見渭水思秦川

岑參

渭水東流去何時到雍州憑添兩行淚寄向故園流  
題三會寺蒼頡造字臺

野寺荒臺晚寒天古木悲空階有鳥跡猶似造書時  
行軍九日思長安故園

強欲登高去無人送酒來遙憐故園菊應傍戰場開

長信宮

劉方平

夢裏君王近宮中河漢高秋風能再熱團扇不辭勞  
秋怨

皇甫孝常

長信多秋色昭陽借月華那堪閑永巷聞道選良家

送王司直

西塞雲山遠東風道路長人心勝潮水相送過潯陽

送友人還剡中舊居

海岸畊殘雪谿沙釣夕陽家中何所有春草漸着長  
同諸公有懷

舊國迷江樹他鄉近海門移家南渡父童稚解方言

春草宮懷古

劉文房

君王不可見芳草舊宮春猶帶羅裙色青青向楚人

送張起崔載華少中



朝無寒士達家在舊山貧相送天涯裏憐君更遠人  
逢雪宿芙蓉山

日暮蒼山遠天寒白屋貧柴門聞犬吠風雪夜歸人  
送友人往揚州

渡口發梅花山中動泉脉蕪城春草生君作揚州客  
送張十八歸桐廬

歸人乘野艇帶月過江村正落寒潮水相隨夜到門  
江中對月

空洲夕烟歛對月秋江裏歷歷沙上人月中孤影去  
秋夜寄二十二員外  
韋應物

懷君屬秋夜散步詠涼天山空松子落幽人應未眠  
宿永陽寄璨律師

遙知郡齋夜凍雪封松竹時有山僧來懸燈獨自宿  
酬李益  
盧允言

戚戚一西東十年今始同可憐歌酒夜相對兩衰翁  
塞下曲

月黑鴈飛高單于夜遠一作遠遁逃欲將輕騎逐大雪滿  
弓刀

漢宮曲  
韓君平  
繡幕珊瑚鈎春闌翡翠樓深情不肯道嬌倚鈿篋

秋日

耿漳

返照入閭巷憂來與誰語古道無一人作人行秋風動  
未黍

秋夜

高秋夜分後遠客鴈來時寂寂重門掩無人問所思

江行無題四首

錢仲文

翳日多喬木維舟取束薪靜聽江叟語俱是厭兵人

其二

牽路綠江狹沙崩岸不平盡知行處險誰肯載時輕

其二

咫尺愁風雨匡廬不可登祗疑香雲作霧窟猶有六  
朝僧

其四

斗轉月未落舟行夜已深有村知不遠風便敷聲砧

金陵懷古

司空文明

輦路江楓暗宮潮庭一作野草春傷心更開府老作此

朝臣

翫花與衛象同醉

衰鬢千莖雪他鄉一樹花今朝與君醉忘却在長沙

拜新月

李端

開簾見新月便即下階拜細語人不聞北風吹裙帶  
送人下第

獻策未得意馳車東出秦莫年千里客落日萬家春  
登樓  
暢當

迥臨飛鳥上高出世人間天勢圍平野河流入斷山  
贈李唐山人  
戴幼公

此意靜無事一作此意無所欲閉門風景遲柳條將白髮相  
對共垂絲

題秦隱居麗句亭  
北人歸欲盡猶自住蕭山閉戶不暫出詩名滿世間

三閭廟

沅湘流不盡屈子怨何深日暮秋風起蕭蕭楓樹林

江南曲

李君虞

嫁得瞿塘賈朝朝誤妾期早知潮有信嫁與弄潮兒

惜春

畏老身全老逢春解惜春今年看花伴已少去年人

夏夜作

武伯蒼

夜久喧聲息池臺惟月明無因駐清景日出事還生

途中即事

南征復北還擾擾百年間自笑紅塵裏生涯不暫閑

玉臺體

權載之

昨夜裙帶解今朝蟾子飛鉛華不可棄莫是棠砧歸

江雪

柳子厚

千山鳥飛絕萬徑人蹤滅孤舟蓑笠翁獨釣寒江雪

零陵早春

問春從此去幾日到秦原憑寄還鄉夢殷勤入故園

長沙驛前南樓感舊

海鶴一為別存亡三十秋今來數行淚獨上驛南樓

閨人贈遠二首

王廣津

鶯啼綠樹深燕語雕梁晚不省出門行沙場知近遠

其二

遠成功名薄深閨年貌傷粧成對春樹不語淚千行

野田

張文昌

漠漠野田草草中牛羊道古墓無子孫白楊不得老

宿雲亭

清淨當深處虛明向遠開卷簾無俗客應只見雲來

梅谿

自愛新梅好行尋一逕斜不教人掃石恐損落來花

寄西峯僧

松暗水涓涓夜涼人未眠西峯月猶在追憶草堂前

田家

王仲初

啾啾雀滿樹，靄靄東陂雨。田家無夜食，水中摘禾黍。  
故行宮

寥落古行宮，宮花寂寞紅。白頭宮女在，閑坐說玄宗。  
新嫁娘

三日入厨下，洗手作羹湯。未諳姑食性，先遣小姑嘗。

秋風

劉夢得

何處秋風至，蕭蕭送鴈群。朝來入高樹，孤客最先聞。  
六言絕句附

田園樂五首

王摩詰

采菱渡頭風急策杖村西日斜杏樹壇邊漁父桃花  
源裏人家

萋萋芳草春綠落落長松夏寒牛羊自歸村巷童稚  
不識衣冠

山下孤烟遠村天邊獨樹高原一瓢顏回陋巷五柳  
先生對門

桃紅復含宿雨柳綠更帶朝烟花落家僮未掃鳥啼  
仙客猶眠

酌酒會臨泉水抱琴好倚長松南園露葵朝折西舍  
黃梁夜春

送鄭二之茅山

皇甫茂政

水流絕澗終日草長深山暮春吠犬鳴雞幾處條桑  
種杏何人

奉寄皇甫冉

張繼

京口情人別久揚州估客來踈潮至潯陽回去相思  
何處通書

尋張逸人山居

劉文房

危石纔通鳥道空山更有人家桃源定在深處澗水  
浮來落花

送陸豐還吳中

瓜步寒潮送客楊柳暮雨沾衣故山南望何處秋草  
連天獨歸

茗谿酬梁耿別後見寄

清川永路何極落日孤舟解携鳥向平蕪遠近人隨  
流水東西

歸山

顧逋翁

心事數莖白髮生涯一片青山空山林一作有雪相待  
古道無人獨還

七言絕句

采蓮曲

賀季真

稽山罷霧鬱嵯峨鏡水無風也自波莫言春度芳菲  
盡別有中流采芰荷

回鄉偶書

少小離鄉老大回鄉音無改鬢毛衰兒童相見不相  
識笑問客從何處來

簇泊陸州

蓋嘉運

西去輪臺萬里餘故鄉音耗日應踈隴山鸚鵡能言  
語為報閨人數寄書

送元二使安西

王摩詰

渭城朝雨裊輕塵客舍青青柳色新勸君更盡一杯

酒西出陽關無故人

寄河上段十六

與君相見即相親聞道君家在孟津為見行舟試相  
問客中時有洛陽人

送別

送君南浦淚如絲君向東周使我悲為報故人憔悴  
盡如今不似洛陽時

九日憶山東兄弟

獨在異鄉為異客每逢佳節倍思親遙知兄弟登高  
處徧插茱萸少一人

寒食汜上作

廣武城邊逢暮春，汶陽歸客淚霏巾。  
落花寂寂啼山鳥，楊柳青青渡水人。

送李侍郎赴常州

賈幼隣

雪晴雲散北風寒，楚水吳山道路難。  
今日送君須盡醉，明朝相憶路漫漫。

明妃詞二首

儲光羲

日暮驚沙亂雪飛，傍人相勸易羅衣。  
強來前殿看歌舞，共待單于夜獵歸。

胡王知妾不勝悲，樂府皆傳漢國辭。  
朝來馬上箜篌

引稍似宮中閑夜時

同金壇令武平一退朝二首

朝來仙閣聽絃歌，暝入花亭見綺羅。  
池邊命酒憐風月，浦口還歸一作船惜芰荷。

花潭竹嶼傍幽蹊，畫楫浮空入夜溪。  
菱荷覆水船難進，歌舞留人月易低。

涼州詞

王之奐

黃河遠上白雲間，一片孤城萬仞山。  
羌笛何須怨楊柳，春光不度玉門關。

閨怨

王少伯



閨中少婦不曾知一作愁春日凝粧上翠樓忽見陌頭  
楊柳色悔教夫婿覓封侯

長信秋詞

奉帚平明金殿開且將團扇暫徘徊玉顏不及寒鴉  
色猶帶昭陽日影來

青樓曲

白馬金鞍從武皇旌旂十萬宿長楊樓頭小婦鳴箏  
坐遙見飛塵入建章

馳道楊花滿御溝紅粧謾綰上青樓金章紫綬十餘  
騎夫婿朝回初拜侯

西宮秋怨

芙蓉不及美人粧水殿風來珠翠香却恨含情掩秋  
扇空懸明月侍君王

春宮曲

昨夜風前一作風露井桃未央前殿月輪高平陽歌舞  
新承寵簾外春寒賜錦袍

青樓怨

香幃風動花入樓高調鳴箏緩夜愁腸斷關山不解  
說依依殘月下簾鉤

別李浦之京

故園今在灞陵西江畔逢君醉不迷小弟隣庄尚漁  
獵一封書寄數行啼

寄穆侍御出幽州

一從恩譴度瀟湘塞北江南萬里長莫道薊門書信  
少鴈飛猶得到衡陽

李倉曹宅夜飲

霜天留飲故情懽銀燭金爐夜不寒欲問吳江別來  
意青山明月夢中看

蕭駙馬宅花燭

青鸞飛入合懽宮紫鳳銜花出禁中可憐今夜千家

一作裏銀漢星回一道通

除夜

高逵夫

旅館寒燈獨不眠客心何事轉淒然故鄉今夜思千  
里秋霜一作鬢明朝又一年

塞上聽吹笛

雪淨胡天牧馬還月明羌笛戍樓間借問梅花何處  
落風吹一夜滿關山

營州歌

營州少年厭原野狐裘蒙茸獵城下虜酒千鍾不醉  
入胡兒十歲能騎馬

獻封大夫破播仙凱歌四章 岑參

漢將承恩西破戎捷書先奏未央宮天子豫開麟閣  
待祗今誰數貳師功

官軍西出過樓蘭營幙傍臨月窟寒蒲海曉霜疑馬  
尾葱山夜雪撲旌竿

鳴笳疊鼓擁回軍破國平蕃昔未聞丈夫鵠印搖邊  
月大將龍旂掣海雲

日落轅門鼓角鳴千群面縛出蕃城洗兵魚海雲迎  
陣秣馬龍堆月照營

玉關寄長安主簿

東去長安萬里餘故人那惜一行書玉關西望堪腸  
斷况復明朝是歲除

逢入京使

故園東望路漫漫雙袖龍鍾淚不乾馬上相逢無紙  
筆憑君傳語報平安

送人

西園驛路掛城頭客散江亭雨未休君去試看汾水  
上白雲猶似漢時秋

春夢

洞房昨夜春風起遙憶美人湘江水枕上片時春夢

中行盡江南數千里

酒泉太守席上醉後作

酒泉太守能劒舞高堂置酒夜擊鼓胡笳一曲斷人腸座上客一作相看淚如雨

題張主人壁

張正言

世人結交須黃金黃金不多交不深縱令然諾暫相許終是悠悠行路心

送魏十六還蘇州

皇甫茂政

秋夜沉沉此送君陰蟲切切不堪聞孤歸一作舟明日毗陵道回首姑蘇是白雲

酌張繼

悵望南徐登北固迢迢西塞望東關落日臨川問音信寒潮惟帶夕陽還

楓橋夜泊

張懿孫

月落烏啼霜滿天江楓漁火對愁眠姑蘇城外寒山寺夜半鐘聲到客船

閩門即事

耕夫召募逐樓船春草青青萬頃田試上吳門看郡郭清明幾處有新烟

昭陽曲

劉文房

昨夜承恩宿未央  
羅衣猶帶御爐香  
芙蓉帳小雲鬢亂  
暗揚柳風多水殿涼

送裴郎中貶吉州

猿啼客散暮江頭  
人自傷心水自流  
同作逐臣君一作  
居更遠青山萬里一孤舟

新息道中作

蕭條獨向汝南行  
客路多逢漢騎營  
古木蒼蒼離亂後  
幾家同住一孤城

贈崔九

憐君一見一悲歌  
歲歲無如老去何  
白屋漸看秋草

九日驅馳一日閑  
尋君不遇又空還  
惟來詩思清人骨  
門對寒流雪滿山

登寶意寺上方舊遊

翠嶺香臺出半天  
萬家烟樹滿晴川  
諸僧近住不相識  
坐聽微鐘記往年

登樓寄王卿

踏閣攀林恨不同  
楚雲滄海思無窮  
數家砧杵秋山下  
一郡荆榛寒雨中

酬柳郎中春日歸揚州南郭見別之作

廣陵三月花正開  
花裏逢君醉一廻  
南北相過殊不

遠暮潮從去早潮來

山店

盧允言

登登山路何時盡  
泱泱溪流到處聞  
風動葉聲山犬吠  
幾家松火隔秋雲

村南逢病叟

雙膝過頤頂在肩  
四隣知姓不知年  
卧駘烏雀惜未黍  
猶恐諸孫無社錢

寒食

韓君平

春城無處不飛花  
寒食東風御柳斜  
日暮漢宮傳臘燭  
青一作輕烟散入五侯家

沒青雲莫道故人多

遇鄭山人所居

寂寂孤鷺啼杏園  
寥寥一犬吠桃源  
落花芳草無尋處  
萬壑千峯獨閉門

寄別朱拾遺

天書遠召滄浪客  
幾度臨歧病未能  
江海茫茫春欲徧  
行人一騎發金陵

尋盛禪師蘭若

秋草黃花覆古阡  
隔林遙見何處起  
入烟山僧獨在  
山中老唯有寒松見少年

滁州西澗

韋應物

獨憐幽草澗邊生，上有黃鸝深樹鳴。  
春潮帶雨晚來急，野渡無人舟自橫。

寒食寄京師諸弟

雨中禁火空齋冷，江上流鶯獨坐聽。  
把酒看花想諸弟，杜陵寒食草青青。

九日

今朝把酒復惆悵，憶在杜陵田舍時。  
明年此日知何處，世難還家未有期。

休暇日訪王侍御不遇

歸鴈

錢仲文

瀟湘何事等閑回，水碧沙明兩岸苔。  
二十五絃彈夜月，不勝清怨却飛來。

聽隣家吹笙

郎君胄

鳳吹聲如隔采霞，不知牆外是誰家。  
重門深鎖無尋處，疑一作有碧桃千樹花。

柏林寺南望

谿上遙聞精舍鐘，泊舟微徑度深松。  
青山霽後雲猶在，盡出西南三四峯。  
一作盡出東南四峯

峽口送友人

司空文明

峽口花飛欲盡春天涯去住各決一作露巾來時萬里  
同為客今日翻成送故人

江村即事

罷釣歸來不繫船江村月落正堪眠縱然一夜風吹  
去只在蘆花淺水邊

題蘭若

崔峒

絕頂茅庵老此生寒雲孤木伴經行世人那得知幽  
逕遙向青峯禮磬聲

長信宮

李端

金壺漏盡禁門開飛燕昭陽侍寢回隨分獨眠秋殿

裏遙聞笑語自天來

古詞

衛象

鵲血調弓濕未乾鷓鴣新淬劍光寒遼東老将鬢成  
雪猶向旄頭夜夜看

湘南即事

戴幼公

蘆橘花開楓葉衰出門何處望京師沅湘日夜東流  
去不為愁人住少時

對月答元明府

山下孤城月上遲相留一醉本無期明年此夕遊何  
處縱有清光知對誰



送呂少府

共醉流芳獨歸去故園高士日相親  
深山古路無楊柳折取桐花寄逐人

旅次寄湖南張郎中

戎昱

寒江近戶漫流聲竹影當窻亂月明  
歸夢不知湖水闊夜來還到洛陽城

題葉道士山房

顧逋翁

水邊楊柳赤欄橋洞裏神仙碧玉簫  
近得林姑書信否潯陽向江一作上不通潮

夜上受降城聞笛

李君虞

回樂峯前沙似雪受降城外月如霜  
不知何處吹蘆管一夜征人盡望鄉

聽曉角

邊霜昨夜墮關榆吹角江城片月孤  
無限寒鴻飛不度西一作秋風吹入小單于

早發破訥沙

破訥沙頭鴈正飛鷓鴣泉上戰初歸  
平明日出東南地滿磧寒光生鐵衣

題明惠上人房

秦公緒

簷前朝暮雨添化八十吳僧飯熟麻  
入定幾時還出

定不知巢燕汚梁

汴州聞角

武伯蒼

何處金笳月裏悲悠悠邊一作客夢先知單于城上

關山月一作今日中原總解吹

和練師索秀才楊柳

楊巨源

水邊楊柳綠烟絲立馬煩君折一枝惟有東一作春風

敢相惜殷勤更向手中吹

柳州二月榕葉盡落偶題

柳子厚

宦情羈思共悽悽春半如秋意轉迷山城過雨百花盡榕葉滿庭鶯亂啼

酬曹侍御過象縣見寄

破額山前碧玉流騷人遥駐木蘭舟春風無限瀟湘意一作思欲采蘋花不自由

銅魚使赴都寄親友

行盡關山萬里餘到時問井是荒墟附庸惟有銅魚使此後無因寄遠書

與浩初上人同看山寄京華親故

海畔尖山似劒鉞秋來處處割愁腸若為化得身千憶散上峯頭望故鄉

夏晝偶作

南州溽暑醉如酒，隱几熟眠開北牖。日午獨覺無餘聲，山童隔竹敲茶臼。

伏翼西洞送入

陳羽

洞裏春晴花正開，看花出洞幾時回。殷勤好去武陵客，莫引世人相逐來。

上陽宮

竇胄卿

愁雲漠漠草離離，太乙勾陳處處疑。日暮毀垣春雨裏，殘花猶發萬年枝。

南遊感興

竇友封

傷心欲問前朝事，惟見江流去不回。日暮東風春草

綠，鷓鴣飛上越王臺。

宮中詞

王仲初

魚藻宮中鎖翠娥，先皇行處不曾過。如今池底休鋪錦，菱角雞頭積漸多。

金吾除夜進，儺名畫袴朱衣。四隊行院院燒燈如白

日，沉香火裏一作底坐吹笙。

樹頭樹尾一作底覓殘紅，一片西飛一片東。自是桃花

貪結子，錯教人恨五更風。

金殿當頭紫閣重，仙人掌上玉芙蓉。太平天子朝元日，五色雲中駕六龍。

綺繡宮

玉樓傾側粉墻空，重疊青山繞故宮。  
武帝去來紅袖盡，野花黃蝶領春風。

華清宮

酒幔高樓一百家，宮前楊柳寺前花。  
內園分得溫湯水，二月中旬已進瓜。

送蜀客

張文昌

蜀客南行聽碧雞，木綿花發錦江西。  
山頭日晚行人少，時見猩猩樹上啼。

逢賈島

僧房逢着款冬花，出寺行吟日已斜。  
十二街中頭一作

春雪徧馬蹄，今去入誰家。

與賈島閑遊

水北原南草色新，雪消風暖不生塵。  
城中車馬應無數，能解閑行有幾人。

寄李渤

五渡谿頭躑躅紅，嵩陽寺裏講時鍾。  
春山處處行應好，一月看花到幾峯。

秋思

洛陽城裏見秋風，欲作家書意萬重。  
復恐匆匆說不

盡行人臨發又開封

山禽

山禽毛如白練帶栖我庭前栗樹枝獼猴半夜來取栗一雙中林向月飛

梁州詞

鳳林闕裏水東流白葦一作黃榆六十秋邊將皆承主恩澤無人解道取梁涼一作州

朗州至京戲看花諸君子

劉夢得

紫陌紅塵拂面來無人不道看花回玄都觀裏桃千樹盡是劉郎去後栽

再遊玄都觀

百畝庭中半是苔桃花淨盡菜花開種桃道士歸何處前度劉郎又獨來一作今作來

烏衣巷

朱雀橋邊野草花烏衣巷口夕陽斜舊時王謝堂前燕飛入尋常百姓家

石頭城

山圍故國周遭在潮打空城寂寞回淮水東邊舊時月夜深還過女墻來

一聽舊宮人穆氏歌

曾隨織女度天河記得雲間第一歌  
休唱貞元供奉曲當時朝士已無多

與歌者何戲

二十餘年別帝京重聞天樂不勝情  
故人惟有何戲在更與殷勤唱渭城

蹋歌詞

春江月出大隄平隄上女郎連袂行  
唱盡新詞懽不見紅霞映樹鷓鴣鳴

竹枝詞

山桃紅花滿上頭蜀江春水拍山流  
花紅易衰似郎

意水流無限似儂愁

楊柳青青江水平聞郎江上唱歌聲  
東邊日出西邊雨道是無情還有情

楊柳枝詞

花萼樓前初種時美人樓上鬪腰肢  
如今拋擲長街裏露葉如啼欲恨誰

煬帝行宮汴水濱數株殘柳不勝春  
晚來風起花如雪飛入宮牆不見人

元和甲午歲詔書盡徵江湘逐客余  
武陵赴京宿於都亭有懷續來諸君子

雷雨江湘起卧龍武陵樵客躡仙蹤十年楚水楓林  
下今夜初聞長樂鐘

登樂遊原

杜牧之

長空澹澹孤鳥沒萬古銷沈一作向此中看取漢家  
何似業五陵無樹起秋風

漢江

溶溶漾漾白鷗飛淥淥春深好染衣南去北來人自  
老夕陽長送釣船歸

泊秦淮

烟籠寒水月籠沙夜泊秦淮近酒家商女不知亡國

恨隔江猶唱後庭花

赤壁

折戟沉沙鐵未銷自將磨洗認前朝東風不與周郎  
便銅雀春深鎖二喬

秋夕

銀燭秋光冷畫屏輕羅小扇撲流螢天街夜色涼如  
水卧看牽牛織女星

寄揚州韓綽判官

青山隱隱水迢迢秋盡江南草木凋二十四橋明月  
夜玉人何處教吹簫

送隱者

無媒徑路草蕭蕭自古雲林遠市朝公道世間惟白  
髮貴人頭上不曾饒

將赴吳興登樂游原

清時有味是無能閒愛孤雲靜愛僧欲把一麾江海  
去樂游原上望昭陵

江南春

千里鶯啼綠映紅水村山郭酒旗風南朝四百八十  
寺多少樓臺烟雨中

龍池

李義山

龍池賜酒敞雲屏羯鼓聲高衆樂停夜半燕歸宮漏  
永薛王沉醉壽王醒

瑤池

瑤池阿母綺窓開黃竹歌聲動地哀八駿日行三萬  
里穆王何事不重來

咸陽

咸陽宮闕鬱嵯峨六國樓臺艷綺羅自是當時天帝  
醉不關秦地有山河

漢宮詞

青雀西飛竟未回君王長在集靈臺侍臣敢有相如



渴不賜金盞露一杯

賈生

宣室求賢訪逐臣  
賈生才調更無倫  
可憐夜半虛前席  
不問蒼生問鬼神

嫦娥

雲母屏風燭影深  
長河漸落曉星沉  
嫦娥應悔偷靈藥  
碧海青天夜夜心

訪隱者不遇

城郭休過識者稀  
哀猿啼處有柴扉  
滄江白石漁樵路  
日暮歸來雨滿衣



重選唐音大成卷之六終

東洋圖書印

三

唐書卷之六

三



